

折衝府考補

永豐鄉人雜著

甲子夏六月印本

唐折衝府考補

府兵之制剏於西魏增於周隋而大備於唐顧所立府數
在當代已言人人殊而新唐書地理志所載府名又多亡
佚僅得四百四十有八曩仁和勞先生經原作折衝府考
其子格又增輯之凡補府百有九合之唐志得府五百五
十有七又博考諸書於志之屢亂譌誤者一一是正之其
書至精核其定彙藏振綺堂汪氏光緒戊戌從汪舍人康年
假觀適貴池劉京卿世珩方刻叢書因以授之劉君又轉授
諸南陵徐觀察乃昌遂刊入鮑齋叢書中當未刊時予頗擬
爲之校補乃以人事旁午勿勿未果比年以來每於石刻
及隋唐兵符見有府名爲勞氏所未及者輒補錄之又唐
志所載諸府勞氏考注未詳者瀏覽所及亦隨時記於書

眉始於宣統初元逮於甲子遂補府四十七正唐志屢譌
四補勞注八十有一沿勞氏書例別紙錄爲唐折衝府考
補一卷而以隋兵府之見金石刻者二十有四附焉五月
七日上虞羅振玉

關內道

京兆府

相原

唐志誤歸入華州勞氏改正

隋鷹揚府虎符

嘉興竹里張氏藏
後歸吳清卿中丞

有右禦衛相原府是此府乃承

隋之舊又龍門有唐相原府校尉王寶爲亡父造觀音象

記

通樂

勞補

唐河間郡劉庭訓墓誌遂授通樂府果毅

崇仁 勞補今正

此府勞氏據臧懷恪碑補之列卷四未知何屬諸府中案
唐都督楊公紀德頌絳州桐鄉京兆崇仁二府折衝是崇
仁隸京兆今改正

甘泉 今補

唐彭城劉府君夫人墓誌祖游將京兆府甘泉府折衝

咸陽 今補

唐楊智積墓誌以功授上柱國除咸陽府長上果毅案咸
陽縣屬京兆府則此府亦當隸京兆

義豐 今補

唐董虔運誌石文又改授京兆府義豐府右果毅

永樂 今補

唐景龍二年薛崇徽寫大般涅槃經後記弟雍州永樂府
左果毅上柱國崇暎供養

天齊

今補

唐齊士員造象記有天齊府研律環又唐朱遠墓誌嗣子
護任三原縣天齊府左果毅

左清

道率 頻陽

今補

唐康留買墓誌守左清道率頻陽府長上果毅又齊士員
造象記有頻陽府關文瓚案晉及後魏皆有頻陽縣屬雍
州馮翊郡則此府必隸京兆

王保

今補

齊士員造象記有王保府折衝都尉趙伽

懷信

今補

齊士員造象記有懷信府果毅都尉獨孤範

長豐 今補

齊士員造象記有長豐府折衝王□感案以上三府未知何所隸然此記載府名五其二皆隸京兆疑此三府亦京兆屬姑附此俟考

左衛寶泉 唐志

唐董守貞墓誌遷游擊將軍左衛寶泉府左果毅都尉

懷舊 勞補

偽周處士張信墓誌祖德隨任雍州懷舊府折衝勞氏據新書宰相世系表下四唐世進懷舊府別將龍支縣男補此府而未知何屬今知屬雍州且承隨之舊

同州

濟北

唐志

唐安

唐志

唐宛玄亮墓誌遷濟北唐安二府折衝又來慈墓誌起家擢授蓋松唐安二府都尉

太州

唐志

唐大雲寺彌勒重閣碑前太州府兵曹參軍趙嘉賓

河東

唐志

唐王素臣墓誌嗣子前同州東河府別將無虧等東河殆卽唐志之河東疑志誤倒

溫湯

唐志

勞氏云京兆已有溫湯府案隋虎符有右屯衛溫陽府唐志兩溫湯必有一爲溫陽之譌

隆安 今補

偽周康郎墓誌勅授同州隆安府左果毅都尉

鳳翔府

洛邑 唐志

唐王脩福墓誌轉岐州洛邑府果毅案岐州至德二載改

鳳翔誌在開元九年故尚稱岐州

邵吉 唐志

唐光祿卿程君墓誌岐州邵吉府折衝滿之孫

邠州

良社 唐志

唐孔公浮圖功德銘曾祖唐朝即邠州良社府折衝都尉

蟬川 唐志

唐焦璠墓誌署守邠州犇川府長史

舜城 唐志

偽燕段公夫人常氏墓誌夫人即唐朝邠州舜城府折衝北庭副使仁師之曾孫

涇州

涇陽 唐志

隋孟常墓誌標題故涇陽府旅帥孟君墓誌知此府亦承隋之舊

左武衛 四門 唐志

唐蔡崇敏墓誌嗣子涇州四門府別將賜上護軍庭禱又唐劉明德墓誌署左武衛涇州四門府折衝都尉

右領軍衛 純德 唐志

唐邢思賢墓誌授忠武將軍行右領軍衛涇州純德府折

衝都尉

寧州

右領軍衛天固 唐志

偽周楊岳墓誌父君楷唐右領軍衛天固府統軍

慶州

永業 唐志

唐王脩福墓誌授慶州永業府右果毅

鄜州

洛安 唐志

唐游擊將軍魏德墓誌貞觀十八年轉任鄜州洛安府果

毅

安昌

勞補

隋虎符有左禦衛安昌府是安昌亦承隋之舊

丹州

左威衛通化 今補

唐袁秀巖墓誌遷左威衛丹州通化府折衝又英倫博物館藏唐沙州戶籍載索遊鸞丹州通化府折衝案唐志丹州有通天同化二府而無通化

長松 唐志

唐崔萼墓誌父志丹州長松府折衝又唐陰處士公脩功德記皇考諱伯倫遊擊將軍丹州長松府左果毅都尉又孔公浮圖功德銘祖諱崇雲丹州長從府折衝都尉長從殆長樅之譌

延州

寧戎

唐志

唐大雲寺彌勒重閣碑守寧戎府兵曹參軍趙仁最

靈州

右金吾衛武略

唐志

英倫博物館藏唐沙州戶籍載索思禮前行右金吾衛靈州武略府別將

會州

左金吾衛黃石

今補

唐智悟律上人墓誌長子會州黃石府別將賜緋魚袋光歸又唐沙州釋門索法律窟銘皇祖左金吾衛會州黃石府折衝都尉諱奉珍

夏州

寧朔

唐志

唐漁陽縣子閻受福墓誌累遷游擊將軍夏州寧朔府折

衝

綏州

義合

唐志

唐劉漢潤妻楊氏墓誌曾祖待賓皇昭武校尉守綏州義

合府折衝又字文琬墓誌祖措皇綏州義合府左果毅

河南道

河南府

巖邑

唐志

唐河間郡劉庭訓墓誌尋遷巖邑府果毅

左驍衛 永嘉 唐志

唐安神儼墓誌祖君恪隨任永嘉府鷹陽是此府承隋之舊又唐張岳墓誌署題永嘉府羽林宣威將軍王元墓誌署題作左驍衛河南府永嘉府折衝都尉知此府隸左驍

衛

懷音 唐志

唐劉府君墓誌遷崇信懷音二府長上折衝都尉侯僧達墓誌懷音府隊正

左威衛 洛汭 唐志

唐呂文倩墓誌解褐守左威衛河南府洛汭府兵曹參軍唐周夫人墓誌嗣子左威衛洛汭府隊正飛騎尉買又龍門有左豹韜衛洛汭府長史李客師造阿彌陀象

案左右威衛光宅中改左右豹

穎衛神龍
中復故

柏林

唐志

唐騎都尉郭君夫人楊氏墓誌祖侯隋柏林府別將知此
府乃承隋之舊

邾鄆

唐志

唐梁秀墓誌嗣子邾鄆府隊副

伊川

唐志

端午橋尙書

方

藏洛州伊川府隊副張仁廓爲父造象

左玉
鈴衛

金谷

唐志

唐韋敬辯智城碑署廖州大首領左玉鈴衛金谷府長上
左果毅都尉唐下管令康威墓誌父諱達皇朝金谷府統
軍

左金吾衛千秋 唐志

唐彭城劉府君夫人墓誌孤子前左金吾衛河南府千秋

府別將渾知此府屬左金吾衛

右金吾衛鈞臺 唐志

偽周楊順墓誌守右金吾衛鈞臺府折衝

右武候轅轅 唐志誤作軒轅勞正

勞氏引漁陽郡李氏造龕銘有轅轅府折衝都尉□□□

案此銘乃前豫州司功參軍王有□為考明威將軍及妣

漁陽郡君李造龕象非李氏造龕銘又銘載考明威將軍

守右武候轅轅府折衝□□勞氏未引

金墉 今補

唐李强墓誌乃被入軍授金墉府校尉案此府殆以金墉